



**USAID**  
FROM THE AMERICAN PEOPLE



Na osnovu Pravilnika o načinu i uslovima korištenja sredstava za podršku privrednim društvima u aktivnostima obuke radne snage; uvođenja, sertifikacije i resertifikacije standarda kvaliteta; i pristupa tržištima, broj IN 107.1/18 od 10. maja 2018. god.

Agencija za ekonomski razvoj grada Prijedor „PREDA-PD“ raspisuje

### JAVNI POZIV

**za dodjelu sredstava u okviru projekta „Program podrške konkurentnosti malih i srednjih preduzeća kroz razvoj ljudskih resursa, bolji pristup tržištima i sertifikacijskim procesima“ za podršku aktivnostima obuke radne snage; uvođenja, sertifikacije i resertifikacije standarda kvaliteta; i pristupa tržištima**

#### I

Program podrške namjenjen je malim i srednjim preduzećima (privrednim društvima), grupi privrednih društava ili organizacijama koje vrše uslugu za privredna društva (npr. centri za obuku, asocijacije, i sl.) koje posluju u sektoru drvoprerađivačke, metaloprerađivačke, ili tekstilne/obučne za sufinansiranje sljedećih aktivnosti:

- Obuke radne snage kroz programe osposobljavanja, dokvalifikacije, prekvalifikacije ili kroz angažman konsultanata/trenera za određenu oblast,
- Uvođenje, sertifikacija ili resertifikacija sistema upravljanja kvalitetom i/ili proizvoda,
- Pristup tržištima, odnosno aktivnosti koje će direktno uticati na povećanje obima prodaje i izvoza (npr. izrada promotivnih materijala, izlaganja na sajmovima, B2B, i sl.)

Gore navedene aktivnosti moraju biti implementirane u periodu **od 1. juna – 15. novembra 2018. god.**, kako bi se mogla izvršiti selekcija dodatnih preduzeća planirana za novembar 2018. godine.

#### II

Sredstva Programa podrške u ukupnom iznosu od 70.000,00 KM su obezbjeđena kroz ugovor sa USAID Projektom razvoja radne snage i povećanog pristupa tržištima (WHAM), i Gradom Prijedor.

#### III

Osnovni kriteriji za dodjelu sredstava iz Programa podrške, pored opštih kriterija navedenih u Matrici za ocjenjivanje (Prilog III), je ostvarenje sljedećih ciljeva:

- Zapošljavanje
- Povećanje prihoda od prodaje
- Povećanje izvoza

#### **IV**

Na osnovu realizovanih projektnih aktivnosti, refundira se:

- Do 50% troškova za aktivnosti obuke radne snage,
- Do 50% troškova za aktivnosti uvođenja, sertifikacije, ili resertifikacije sistema upravljanja kvalitetom i/ili proizvoda,
- Do 50% troškova za aktivnosti pristupa tržištima, odnosno aktivnosti koje će direktno uticati na povećanje prihoda od prodaje i povećanje izvoza (npr. izrada promotivnih materijala, odlazak na sajam, B2B susreti, i sl.),
- Do 50% troškova za programe u privrednim društvima koji su bazirani na kombinaciji gore navedenih aktivnosti,

Privredno društvo – korisnik sredstava je u obavezi da sufinansira odobrene aktivnosti u minimalnom iznosu od 50%.

#### **V**

Nivo podrške uslovljen je ostvarenim rezultatima koji se odnose na novo zapošljavanje, povećanje prihoda od prodaje i povećanje izvoza, a ne smije preći KM 1.300,00/po novom radnom mjestu uz prosječno povećanje prihoda od prodaje 10% na godišnjem nivou, i prosječno povećanje izvoza od 5% na godišnjem nivou.

Visina odobrenih sredstava ne može preći 50% od ukupnih troškova, bez uračunatog PDV-a i ostalih poreskih obaveza. Troškove PDV-a i ostale poreske obaveze snosi korisnik podsticaja ili se namiruju iz učešća drugih strana, osim USAID WHAM sredstava.

#### **VI**

Odbor projekta na osnovu definisanih kriterija (vidi Prilog III – Matrica za ocjenjivanje), vrši odabir korisnika sredstava.

Odbor ima tri člana, koje čini jedan predstavnik Agencije za ekonomski razvoj grada Prijedor „PREDA –PD“, predstavnik USAID WHAM projekta i predstavnik Grada Prijedor.

#### **VII**

Korisnici Programa podrške mogu biti mala i srednja preduzeća (privredna društva) koja posluju u sektoru drvoprerađiva, metaloprerađiva i tekstila/obuće, sa planovima zapošljavanja lica na području Grada Prijedora.

Korisnici Programa podrške mogu biti samo privredna društva koja pristaju na nadgledanje i izvještavanje o korištenju sredstava i postignutim rezultatima.

Pravo na korištenje sredstava iz Programa podrške ne ostvaruju privredna društva koja su već realizovala aktivnosti navedene u Prijavi (ne mogu se retroaktivno koristiti sredstva za realizovane aktivnosti).

#### **VIII**

Privredno društvo – korisnik sredstava podnosi Prijavu za korištenje sredstava na propisanom Obrascu za prijavu (Prilog I).

Uz Prijavu za korištenje sredstava iz Programa podrške, dostavlja se sljedeća dokumentacija:

1. Tri ponude davaoca usluga, ukoliko to specifičnost usluge dozvoljava, a ukoliko nije moguće, navodi se obrazloženje, kao i obrazloženje za odabir određene ponude, ukoliko se ne radi o najpovoljnijoj ponudi.
2. Bilans stanja i uspjeha za posljednji obračunski period (2017. god)
3. Uvjerenje o izmirenim poreskim obavezama. Uvjerenje ne može biti starije od 3 mjeseca.

Prijave se podnose od dana objavljivanja ovog Javnog poziva.

Poziv za dostavljanje Prijava ostaće otvoren do **28. maja 2018 god. do 15.00 časova** za selekciju i odobravanje prvog kruga privrednih društava. Objavljivanje javnog poziva za selekciju dodatnih privrednih društava očekuje se u oktobru 2018. godine.

U zavisnosti od pristiglih prijava i raspoloživih sredstava, Odbor projekta vrši ocjenu prijava u roku od 7 dana od dana zatvaranja javnog poziva.

Nakon ocjene pristiglih prijava Odbor projekta podrške, na osnovu definisanih kriterija, vrši odabir korisnika sredstava, a Agencija za ekonomski razvoj grada Prijedor „PREDA-PD“ blagovremeno obavještava privredna društva o rezultatima ocjenjivanja.

Privredna društva koja na osnovu Javnog poziva ostvare uslove za korištenje sredstava Programa podrške potpisuju Memorandum o razumjevanju sa Agencijom za ekonomski razvoj grada Prijedor „PREDA-PD“.

Nakon implementacije projektne aktivnosti privredno društvo dostavlja Agenciji za ekonomski razvoj grada Prijedor „PREDA-PD“ Zahtjev za refundiranje sredstava (Prilog II) i dokaze o namjenskom trošenju sredstava i ostvarenim rezultatima.

## IX

Prijave se predaju u zatvorenoj koverti putem pošte ili predajom u Agenciju za ekonomski razvoj grada Prijedor „PREDA-PD“, ul. Aleja kozarskog odreda bb, Prijedor, sa naznakom: „Prijava za podršku privrednim društvima u aktivnostima obuke radne snage, uvođenja, sertifikacije ili resertifikacije standarda kvaliteta, i pristupa tržištima“. Nepotpune prijave neće se razmatrati.

Nadzor nad realizacijom i namjenskim korištenjem sredstava vršiće Agencija za ekonomski razvoj grada Prijedor „PREDA-PD“, USAID WHAM projekat, i Grad Prijedor, odnosno članovi Odbora projekta.

Kompletna dokumentacija neophodna za učešće u Programu podrške, može se preuzeti na internet stranici Agencije za ekonomski razvoj grada Prijedor „PREDA-PD“: [www.predaprijedor.com](http://www.predaprijedor.com) a sastoji se od:

- Pravilnik o načinu i uslovima korištenja sredstava za podršku privrednim društvima u aktivnostima obuke radne snage, uvođenja, sertifikacije i resertifikacije standarda kvaliteta i pristupa tržištima;

- Prilog I – Obrazac za prijavu
  - Prilog II – Zahtjev za refundaciju sredstava
  - Prilog III – Matrica za ocjenjivanje
- 

**Partner:**



**Grad Prijedor**